

pp. 1-2.

Famine of Peete.

I Tladie. 1/2.

1. Tsena ka lipampiri tse bolelang tsa tlala ha e patetse. Mosali moholo enoa oa haeso o bolela tsena. O re ba kile ba phela habohloko ke baka la tlala. O re batho ba ne ba phela ka lilopi e le tsietsi e tsabehang ea tlala. Batho ba phela habohloko motho a robala a itsosa o re batho ba ne ha geta liveke ba sa je, ka baka la tlala eo, batho ba sareloa ba ota ba omella ke ho hloka lijo ka maleng batho ba bangata ba eshoa ke tlala e se lefu. Oa horeng a tsamaea ka ho ea batla lijo moo a ka li fumanang a fihla motseng o mong a fumana batho ba hela joang ba entse liqubu e le mangata a matonana. A botsa motho oa tlala Helang! batho ba keso le etsang ka joang boo bo bongata hakakale, ba mo-arabela ba re ke lijo. A re molato keng ha le e-ja joang le sa je lijo hona le bo ja ka mokhoa o joang ha e le lijo tsa liphoofolo, ba re rea lapa ke ka hoo re jang joang bona. A re le na haeso ke tlala empa ha re eso ho je joang, batho ba baholo le ba banyenyane ba shoele ke eona tlala koana haeso. Ba re ho eena na ua
2. bo tseba joang boo? A re ke ea bo tseba empa ha ke tsebe hore na lebitso la bona keng. Ba re lebitso la joang bona ke Moseka joang bona, bo na le peonyana tse nyenyane tse kalo ka tsa joang bo melang masimong bo bitsoang lehola. Joale he Moseka ona ha o poloa ho batloa lithupa tse ntle tsa ho pola tse bitsoang mare. Hoa binoa ha ho poloa joang bona bo bitsoang Moseka, Pina ke ena Nteteletsane mabele a Balimo joale ha ho fetoloa ke hore lithaku tse poloang li be ngata. O re motho ha a thola tlhaku ea poone kapa lipeli o tla li nka, ha a fihla hae e be oa e halika o ja e ngoe a fe ngoana e ngoe. Ha e thotsoe ke mosali kapa monna, e mong a fe e mong. Leha batho ba ne ba phela ka thata ka joang boo ba moseka bo nong bo heloa hole-hole

- le metse, ba ne ba bo fumana ka thata ba bang ba sale kona mosekeng moo. Taba-taba joale ke batho ba bang ba seng
3. ba sa lule le batho ba bang ba lulang hara meru e tsabehang likhohlong, liphuleng hara meforo ba jang batho ba bang. Batho bana ba ne ba bitsoa malimo ke hore batho ba jang batho ba bang. O re motho ha a ne a nkiloe ke malimo ka ha a ne a le mangata haholo, o na a beoloa hlohong ke hore a tlosoe moriri o hlohong kaofela ha ona. Hoba moriri o tlosoe ho nkuoa thipa e bohale o seoa hlohong hore mali a tsoe. O fasitsoe hore a se ke a tseba ho na a rahaka ho nkiloe lengetana le leholo mali a tsoele ka teng joale mali ana a bitsoa bobete. Ke ona a jeoang pele motho a bolaoa joale o re oho ka nete ka baka la tlala malimo a eba mangata haholo a tsabeha ka mokhoa o makatsang. O re lelime le le leng le ne le hlola batho ba bangata ka baka la ho tsabeha ha lona. O re a ne a lalla batho litseleng, a ba tsoara me a e-ea le bona mahahenga 'ona a tsabehang ho ba jela teng. O re hara malimo ho no ho tumile haholo
4. a Bakhatla bo Rakotsoane le Mosoansoanyane. O re ba ne ba lula moo ho thoeng ke Malimong, o re a mang a tumilong ke Mokhitli oa Marabeng; ke Motlejoa oa ha Maieane. Batho ba eshoa ke tlala ba tsaba ho ea hole ho ea batla lijo moo ba ka li fumanang ka baka la malimo hobane malimo a ne a lalla batho litseleng malimo ona a ne a sa rate nama ea liphoofolo ea likhomo ba ipatlela ho ja nama ea batho feela.
5. Ke utloile tsohle joale ke fumane tabeng ea mosali moholo pela tlala o re tseo ke tseo a li boneng ka mahlo ha ho busa morena Peete ntata Mokhachane ea neng a ahile Meribeng naheng ea Lesotho. O re tlala eo e bile tlala ea ngoaha tse 'ne.

end s 146.